

Broj: 03-02-1392/2020
Sarajevo, 15.12.2020. godine

**PARLAMENT FEDERACIJE
BOSNE I HERCEGOVINE**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 15-12-2020			
Org. jed.	Broj	Priloga	Vrijednost
01,02	- 02 -	2085	20

- Predstavnički dom -
gosp. Mirsad Zaimović, predsjedavajući ✓
- Dom naroda -
gosp. Tomislav Martinović, predsjedavajući

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa čl. 191. i 192. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i čl. 186. i 187. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), **radi razmatranja i usvajanja po hitnom postupku, dostavljam Vam PRIJEDLOG ZAKONA O DOPUNAMA ZAKONA O BUDŽETIMA U FEDERACIJI BOSNE I HERCEGOVINE**, koji je utvrdila Vlada Federacije Bosne i Hercegovine na 247. sjednici, održanoj 15.12.2020. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



PREMIJER
Radil Novalić

Prilog: - Prijedlog zakona na bosanskom jeziku i
- Zakon o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) (CD).

**Co: Federalno ministarstvo finansija -
Federalno ministarstvo financija
gđa Jelka Milićević, ministar**

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O DOPUNAMA ZAKONA O BUDŽETIMA U FEDERACIJI BOSNE I
HERCEGOVINE**

Sarajevo, decembar 2020. godine

PRIJEDLOG ZA DONOŠENJE ZAKONA PO HITNOM POSTUPKU

Predlažemo da se Zakon o dopunama Zakona o budžetima u Federaciji Bosne i Hercegovine donese po hitnom postupku, u skladu sa članom 191. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH”, br. 69/07, 2/08 i 26/20) i članom 186. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 27/03, 21/09 i 24/20), koji predviđaju da se zakon može donijeti po hitnom postupku samo ako se tim zakonom uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo izazvati štetne posljedice za Federaciju Bosne i Hercegovine.

Obrazloženje

Lokalni izbori u Gradu Mostaru će biti održani 20.12.2020. godine, na kojima će biti izabrani vijećnici i biti konstituirano Gradsko vijeće Grada Mostara. Uzimajući u obzir iskustva na posljednjim izborima (2012. godine) kada je u pitanju kašnjenje u procedurama potvrđivanja mandata vijećnika, izboru Predsjednika i potpredsjednika, a poslije i Gradonačelnika Grada Mostara, ukoliko se ne donese budžet, biti će ugroženo finansiranje Grada Mostara.

U ranijim periodima (2014.-2020.), zbog neprovođenja lokalnih izbora u Gradu Mostaru, na inicijativu Vlade Federacije Bosne i Hercegovine, Parlament Federacije Bosne i Hercegovine, na sjednicama oba doma, donosio je Zakon o izmjenama i dopunama Zakona o budžetima u Federaciji Bosne i Hercegovine, čime je osigurao normalno funkcionisanje Grada Mostara u spomenutim godinama.

S obzirom da ovlaštenja za donošenje i odgovornost Gradonačelnika i Načelnika Odjela za finansije i nekretnine za provođenje Budžeta Grada Mostara za 2020. godinu, prestaju s 31.12.2020. godine, a kako će se 20.12.2020. godine održati lokalni izbori u Gradu Mostaru, ne postoji pravni osnov, da se do kraja ove kalendarske godine donese Budžet Grada Mostara za 2021. godinu ili Odluka o privremenom finansiranju Grada Mostara za 2021. godinu.

Iz navedenih razloga pristupilo se hitnoj izradi Zakona o dopunama Zakona o budžetima u Federaciji Bosne i Hercegovine, kako bi se omogućilo redovno budžetsko finansiranje iz nadležnosti Grada Mostara, čime su ispunjeni uvjeti iz gore navedenih odredbi poslovnika.

**ZAKON
O DOPUNAMA ZAKONA O BUDŽETIMA
U FEDERACIJI BOSNE I HERCEGOVINE**

Član 1.

U Zakonu o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), iza člana 35 b. dodaje se novi član 35 c., koji glasi:

„Član 35 c.

Izuzetno i isključivo u svrhu finansiranja Grada Mostara u 2021. godini, Odluku o privremenom finansiranju Grada Mostara za period od 01.01.2021. godine do 31.03.2021. godine, može donijeti i biti odgovoran za njenu provedbu, gradonačelnik Grada Mostara, uz saglasnost načelnika Odjela za finansije i nekretnine Grada Mostara.“

Član 2.

Iza člana 105 g. dodaje se novi član 105 h., koji glasi:

„Član 105 h.

Izuzetno i isključivo u svrhu osiguranja finansiranja Grada Mostara u 2021. godini, Budžet Grada Mostara kao i Odluku o izvršavanju Budžeta za 2021. godinu, donijet će i biti odgovoran za njegovu provedbu gradonačelnik Grada Mostara, uz saglasnost načelnika Odjela za finansije i nekretnine Grada Mostara.“

Član 3.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

**OBRAZLOŽENJE
ZAKONA O DOPUNAMA
ZAKONA O BUDŽETIMA U FEDERACIJI BOSNE I HERCEGOVINE**

I. USTAVNI OSNOV

Ustavni osnov za donošenje ovog Zakona sadržan je u odredbi III. člana 1. tačke c) i g), koji je izmijenjen amandmanima VIII, LXXXIX i CVI i odredbi IV. A. člana 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije kao i finansiranje djelatnosti federalnih vlasti, ustanova i institucija koje federalne vlasti osnivaju, a Parlament Federacije Bosne i Hercegovine je, uz ostale nadležnosti predviđene Ustavom, odgovoran za donošenje zakona o obavljanju dužnosti federalne vlasti.

II. RAZLOZI ZA DONOŠENJE

Razlog za donošenje dopuna Zakona je omogućavanje normalnog funkcionisanja Grada Mostara.

Grad Mostar uputio Zahtjev za pokretanje procedure za dopunu Zakona o budžetima u Federaciji Bosne i Hercegovine, broj: 02-11-12953/20 od 16.10.2020. godine.

III. OBRAZLOŽENJE PREDLOŽENIH DOPUNA

Članom 1. Zakona dodaje se novi član 35 c. kojim se definiše mogućnost donošenja Odluke o privremenom finansiranju Grada Mostara za period od 01.01.2021. godine do 31.03.2021. godine u svrhu finansiranja Grada Mostara u 2021. godini.

Članom 2. Zakona dodaje se novi član 105 h. kojim se propisuje donošenje Budžeta Grada Mostara kao i Odluke o izvršavanju Budžeta za 2021. godinu u svrhu osiguranja finansiranja Grada Mostara u 2021. godini.

Članom 3. definisano stupanje na snagu.

IV. USKLAĐENOST S PROPISIMA EUROPSKE UNIJE

Uzimajući u obzir predmet i sadržaj dopuna ovog Zakona, utvrđeno je da ne postoje odgovarajući izvori prava Evropske unije s kojima je potrebno izvršiti usklađivanje.

V. FINANSIJSKA SREDSTVA

Za provođenje ovog Zakona neće biti potrebna dodatna finansijska sredstva iz Budžeta Federacije Bosne i Hercegovine.